



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 67. Noaillii Cardinalis appellatio solemniter promulgata.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. literis die quarta Septembris Romam missis Papa edoctus erat, hinc ad eundem Episcopum novæ Constitutionis exemplar transmisit, eumque incitavit, ut iis, quæ fors in ejus Diæcesi adhuc corrigenda supersint, protinus emendatis, luculentiora in dies eximie virtutis suæ argumenta dare velit. Denique die prima Octobris ad Jacobum Arelatensem Archiepiscopum, qui de silentio per Regentem imposito suis literis die quinta Decembris anno prioridatis querebatur, Pontificis responsum ad eundem Regentem unacum novæ Constitutionis literis transmisit.

§. LXVII.

Noaillii Cardinalis appellatio solemniter promulgata.

Acta publ.
Const. p. 426.
Dorfan. l. c.
pag. 430.
Merc. Off.
pag. 441.

Postquam Cardinalis Noaillius Pontificis Constitutionem Romæ promulgatam, & per totum Regnum divulgatam compererat, proin se ab Ecclesiæ & fidelium communiōe segregatum viderat, die vigesima tertia Septembris Regium Regni Moderatorem accessit, eidem exponens, quod in præsentis rerum vicissitudine, ut suam appellationem publicam faceret, compulsus esset: cum vero Pontificem, & Rohanium Cardinalem instituros præ-

videret, ut ab officio Præsidis in con-
 scientiæ Tribunali amoveretur, hinc Sæc. XVIII.
 A. C. 1718.
 ne Regni Regens cum Pontifice rursus
 collideretur, sponte sua hoc munus di-
 mittere decrevit: Annuit haud diffi-
 culter Princeps, ingemuit tamen, probe
 prospiciens, quod ad eam pertrahen-
 dus sit necessitatem, ut se Noailii ho-
 stem declarare, & Acceptantibus pa-
 lam adhærere cogeretur: Igitur Noail-
 lius die vigesima tertia Septembris Ec-
 clesiæ suæ Cathedralis Canonicos con-
 vocat, eisque pro suæ appellationis
 jam anni prioris die tertia Aprilis in-
 terjectæ promulgatione mandatum
 suum die vigesima quarta Septembris
 a se signatum prælegi jubet. Illius
 summa erat hæc:

Nostris studium meum, quo turbas
 per Constitutionem *Unigenitus* excitatas
 sedare, pacemque reddere conatus
 sum: nec ignoro, quod vestrum qui-
 dam nimis longam patientiam & lon-
 ganimitatem meam carpsent; ne vero
 nostra fides vobis suspecta esset, sæpe
 vobis animi nostri sensa exposuimus,
 unde vos calumniis contra me sparsis
 fidem non adjicientes de fidei meæ pu-
 ritate & de intentionum mearum recti-
 tudine persuasi fuistis.

Ne vero proluxa gravissimi hujus
 negotii relatione vos fatigem, dixisse
 suffi-

Sæc. XVIII. sufficiat, quod pacis studio omnia, ex
A. C. 1718. cepta veritate, sacrificanda censueri-
 mus, multa ergo sustinimus & feci-
 mus, ut quodam temperamento simul
 veritatem pacemque conservaremus,
 de nostro pacis amore adeo persuasus
 erat Rex defunctus, ut nunquam dis-
 sensionis culpa mihi imputari valeat.

Nunc autem conclamata pacis spe,
 redactus sumus ad justæ defensionis ne-
 cessitatem, & reprimendam malitiam
 eorum, qui hac Constitutione abuten-
 tes dogmatis puritatem, Christianam
 morum sanctitatem, & scholarum li-
 bertatem impetunt: unde ad extremum
 remedium recurrere nobisque a tem-
 pestate, quæ capiti nostro imminere
 posset, per appellationem ad Univer-
 sals Ecclesiæ Tribunal præcavere co-
 gimur.

Hanc vero viam esse legitimam &
 Canonicam, usu omnium sæculorum, &
 primæ notæ sanctorum Conciliorum Bal-
 & Const. decretis, antiquis Canonibus
 & Ecclesiæ nostræ libertatibus com-
 probatum esse, paulopost Instructione no-
 stra Pastoralis demonstrabimus.

Ex his rationibus appellationem
 quam anno priori die tertia Aprilis in-
 terposuimus, & pacis amore secretam
 tenuimus, publicam reddere tenemur:
 hac juxta Regni consuetudines & Theo-
 logo.

logorum doctrinam omnium quæ ante Sæc. XVIII.
 & post contra hanc appellationem at- A. C. 1718.
 tentari possunt, effectus suspenditur:
 nihilominus non cessabimus concordia
 media etiam lacrimis ante Deum quæ-
 rere, ut vel sancto Ecclesiæ Gallicanæ
 consensu, vel explicationibus toties a
 Papa expetitis pacem obtinere valea-
 mus. Quod autem nil aliud, nisi quod a
 doctissimis Pontificibus & sanctissimis
 Episcopis actum est, petamus, cogno-
 scetis ex pluribus exemplis in nostra
 Instructione allegandis, faxit Deus, ut
 pax & veritas adeo salvetur, ut Con-
 cilio Universalis iudicium expectare non
 teneamur.

De cetero ferventibus his turbis uni-
 tatis vinculum solvendum non est, de-
 claramus ergo, quod inviolata fide erga
 D. Petri Cathedram tanquam centrum
 Unitatis Catholicæ, visibile Episcopa-
 lis Collegii, totiusque Ecclesiæ Caput
 omnem a S. Canonibus præscriptam
 venerationem exhibere pergamus, vos-
 que omnes ad eandem submissionem
 debitam hortemur, nec unus alterum
 injuriosis verbis laceffat, sed vestris
 orationibus a Deo petite, ut justa no-
 stra & tot Episcoporum, ac Ecclesiasti-
 corum utriusque Cleri desideria com-
 pleantur, pacemque eam obtineamus,
 quæ

Sæc. XVIII quæ bona est, & boni causa initur, ac
A. C. 1718 Deo copulat (*).

Dorsann.
pag. 430.

Huic Noailii Cardinalis appellationi viginti septem Canonici (excepto Montebizeo) necnon Parisienses Parochi ductore eorum Decano nomine Hiden adhæserunt, ac die Dominica plures Parochi in suis Ecclesiis ex suggestu Noailii labores pro tuenda veritate & redanda pace exantlatos ex Quesneliano Evangelio deprædicabant, acriter declamantes contra Regulares, qui populo sinistram opinionem ingerere possent; quocirca jufferunt, ut non ad horum sed ad Parochorum sermones ad Ecclesias venirent: Proch pudor? Hæc non est vox boni Pastoris, sed circumforanei Seplasiarii.

§. LXVIII.

Novæ Hispanorum contentiones cum summo Pontifice.

Merc. Hist. Mortuo, ut memoravimus, Cardinale Emanuele Arias Archiepiscopo Hispalensi Alberonus Cardinalis ad vacantem hanc Ecclesiam a Philippo Hispaniarum Rege nominatus hujusque nominationis confirmationem

Jan. 77.

Mai. p. 470.

Dorsann.

Jour. 403.

& 414.

Vit. Card.

Aqua. t. I.

pag. 328.

(*) S. Greg. Naz. Orat. 12. n. 36.